



22-11-2023  
ws  
22-11-2023  
KANTON SARAJEVO

22-11-2023

xy

**Broj:** 14-02-04-06008/23

**Datum:** 21. 11. 2023. godine

**BOSNA I HERCEGOVINA**  
**FEDERACIJA BOSNE I HERCEGOVINE**  
**KANTON SARAJEVO**  
**SKUPŠTINA KANTONA SARAJEVO**  
**ul. Reisa Dž. Čauševića br. 1**  
**71000 SARAJEVO**

N/r Elvedin Okerić, predsjedavajući

**PREDMET: Odgovor na zastupničku inicijativu, dostavlja se;**

**VEZA:** Vaš akt, broj: 01-04-45131-40/23 od 09.11.2023. godine

Poštovani,

U skladu sa zastupničkom inicijativom, broj i datum veze, upućenom od strane zastupnice Mersihe Mehmedagić u okviru Desete radne sjednice Skupštine Kantona Sarajevo, dana 09.11.2023. godine, zaprimljenoj u Kantonalnoj upravi za inspekcijske poslove Kantona Sarajevo, dana 20.11.2023. godine, a koja glasi:

" Na osnovu saznanja iz medija o trovanju građana u Republici Hrvatskoj konzumiranjem mineralne vode i gaziranog pića proizvođača Coca Cola, te da je Državni inspektorat RH naložio povlačenje jedne serije Coca Cola Original Taste od 0,5 litara u plastičnoj ambalaži, te dvije ograničene serije Romerquelle Emotion Blueberry Pomergranate od 330 ml u staklenoj ambalaži, tražim od Kantonalne uprave za inspekcijske poslove i Zavoda za javno zdravstvo Kantona Sarajevo da **HITNO** poduzmu sve potrebne mjere kako bi se građani Kantona Sarajevo, kao potencijalni konzumenti navedenih gaziranih pića, upozorili i zaštitili od eventualnih štetnih posljedica po zdravlje.

Također molim da se inicijativa proslijedi Zavodu za javno zdravstvo Federacije Bosne i Hercegovine i Federalnoj upravi za inspekcijske poslove od kojih tražim informaciju da li su po saznanjima o dešavanjima u Republici Hrvatskoj vršili aktivnosti provjere kvalitete i ispravnosti gaziranih pića navedenog proizvođača.

Molim navedene institucije da svaka a u svojoj nadležnosti poduzme aktivnosti kako bi se hitno izvršio monitoring kvalitete gaziranih pića navedenog proizvođača radi zaštite zdravlja svih građana Federacije Bosne i Hercegovine kao i zdravlja posjetilaca turističkih destinacija u Federaciji Bosne i Hercegovine.", dajemo slijedeću informaciju:

Odmah po saznanju o dešavanjima u Republici Hrvatskoj, koja su se ticala spornih napitaka, vršilac dužnosti direktora Kantonalne uprave za inspekcijske poslove Kantona Sarajevo, u cilju zaštite

zdravlja građana Kantona Sarajevo, izdao je, nadležnom Inspektoratu Kantonalne uprave, nalog za vršenje usmjerenog inspeksijskog nadzora na navedene okolnosti, dana 08.11.2023. godine.

Postupajući po nalogu v.d. direktora i na osnovu zaprimljenog akta Agencije za sigurnost hrane BiH, broj: 04-1-2-26-12-1180-4/23 od 07.11.2023. godine i 04-1-2-26-12-1180-4/23 od 08.11.2023. godine – Pojačane mjere kontrole prilikom uvoza i na unutrašnjem tržištu/ očitovanje Coca-Cole HBC B-H Sarajevo / Izjava Državnog inspektorata R Hrvatske, kantonalni inspektori za hranu Inspektorata sanitarne, zdravstvene i farmaceutske inspekcije i inspekcije za hranu Kantonalne uprave za inspeksijske poslove Kantona Sarajevo, obavili su dana 09.11.2023. godine, usmjereni inspeksijski nadzor kod proizvođača Coca-Cola HBC B-H d.o.o. Sarajevo, Mostarsko raskršće 1, Sarajevo, Hadžići i utvrdila činjenično stanje kako slijedi:

Coca-Cola HBC B-H d.o.o. Sarajevo nije uvozila ili prometovala u BiH, proizvod Romerquelle Emotion Bluberry Pomegrante.

Coca-Cola HBC B-H d.o.o. Sarajevo uvozi samo Coca-Colu u limenkama 330ml i 250ml iz Austrije, Mađarske i Srbije, sa propisnom deklaracijom i podacima o uvozniku.

Coca-Cola HBC B-H d.o.o. Sarajevo ne uvozi proizvode ili sirovinu iz R Hrvatske. Isto se odnosi na sporni proizvod Coca -Cola original taste 500 ml (PET), proizvedeno 11.10.2023. godine sa rokom trajanja do 11.4.2024. godine koji je proizveden u R Hrvatskoj.

Svi proizvodi proizvođača Coca-Cola HBC B-H d.o.o. Sarajevo imaju oznaku LBS i LBP, vidno istaknuto na ambalaži (oznake proizvodne linije), koja je različita od proizvoda Hrvatskog proizvođača, kod kojeg je oznaka LZC.

Zbog ograničenog vremena za inspeksijski nadzor, postupajući inspektor je kontrolisao nekoliko ciljanih tačaka tehnološkog procesa, vezano za proizvodnju osvježavajućih bezalkoholnih pića, konkretno Coca-Cola original taste 500ml i Coca – Cola 2l, original taste i Zero.

Prvo su provjereni sanitacijski postupci i upravljanje hemikalijama, te detaljno kontrolisana dokumentacija, procedure, radne upute, CIP matrica (gdje, kada, ko vrši vanjsko i unutrašnje pranje opreme), zatim pouzdana garancija da tretirane unutrašnje površine proizvodne opreme koje su u kontaktu sa hranom nemaju zaostalih hemikalija.

SPH je u tom cilju, uspostavio verifikaciju efikasnosti i sigurnosti na način da vrši fizičko-hemijske i mikrobiološke analize uzorka vode poslednjeg ispiranja, a zadati kriterij je isti kvalitet i čistoća tretirane vode koja ulazi u sastav proizvoda.

Uspostavljena je lista odobrenih hemikalija za čišćenje i dezinfekciju. Za svako sredstvo je dostupan sigurnosno tehnički list, kao i skraćena informativna uputa za rukovanje koja je postavljena na mjestu aplikacije.

Dalje su kontrolisane sirovine: izvještaji o kontroli vode koja ulazi u sastav proizvoda, dokumentacija za CO2, dokumentacija za kristalni šećer, dokumentacija za koncentrat (dobavljač EUROPEAN REFRESHMENTS Irska od 12.9.2023).

SPH je uspostavio dokumentovanu proceduru kontrole bitnih parametara.

Na osnovu predloženih izvještaja o rezultatima analiza uzoraka Coca-Cola 0,5l PET, 2,0l PET, utvrđeno je da su ispitivani uzorci usklađeni sa fizičko-hemijskim i mikrobiološkim kriterijima. Analizu provodi Zavod za javno zdravstvo FBIH.

Provjeren je plan proizvodnje, dana 11.10.2023 na linijama PET 1 i PET 2, te interni obrazac za procesnu kontrolu gotovog proizvoda Coca -Cola 500 ml (PET) za dan 11.10.2023. Svi ispitivani parametri su bili zadovoljavajući.

Akt sačinila: Selma Suljević

Dalje je utvrđeno da postoje razlike između proizvoda Coca-Cola koji se proizvodi u Hrvatskoj i Bosni (iako sve sirovine moraju odgovarati istoj propisanoj specifikaciji bilo gdje u svijetu), te se proizvodi iz Bosne i Hercegovine i R Hrvatske se ne mogu dovesti ni u kakvu vezu.

Bez obzira na navedeno, kao i da kontrolom nisu uočene neusklađenosti s odredbama propisa o hrani, SPH je odlučio da uzorke Coca-Cola 500ml PET, datum proizvodnje 11.10.2023. godine, dostavi ovlaštenom kontrolnom tijelu, koje za parametre ispitivanja bude imalo akreditovane metode.

Shodno ovlaštenjima i u okviru zakonom propisane nadležnosti, dana 08.11.2023. godine izvršeni su inspekcijski nadzori u prometu, tržnim centrima i pijaci. Sporni proizvod Romerquelle Emotion Bluberry Pomegrante 330 ml, nije zatečen na području Kantona Sarajevo.

Nakon okončanog usmjerenog inspekcijskog nadzora Inspektorat sanitarne, zdravstvene i farmaceutske inspekcije i inspekcije za hranu Kantonalne uprave za inspekcijske poslove Kantona Sarajevo dostavio je predmetnu informaciju i Federalnoj upravi za inspekcijske poslove, dana 10.11.2023. godine.

S poštovanjem,

**Dostavljeno:**

1. Naslovu
2. Premijer Vlade Kantona Sarajevo
3. Sekretar Skupštine Kantona Sarajevo
4. Sekretar Vlade Kantona Sarajevo
5. a/a

**V.D. DIREKTOR**

  
**Adis Mešić**

Akt sačinila: Selma Suljević

